

COMENTARIO

ENFRENTADO 1985

Na fin di aña pasa, e aña 1985 a keda pinta como un aña di accion continuo, di hopi labor y esfuerzo pa asina por enfrente a situacion dificil y yega na solucion di problemanan. Cu diligencia mester a ataca e problematico y yega na superacion. Awor cu e promer dos simannan di 1985 a pasa, e hecho cu Lago lo bay cera su portanan ta perde dimension den e preocupacion, cu mas bien ta dirigi ariba e resumen di e promer dianan di 1985: Comision Aruba no a yega na diseño di un plan di accion; union no a ser logra y mas bien por papia di turbulencia politico y falta di un plan cu mester ser ejecuta.

Cu Lago ta bay ta algo fastioso. E ta un problema, pero e tabata alavez un reto pa sigui dilanti y pa muestra cu den bida nos ta cay y lanta pero cu determinacion lo haci nos alcanza nos objetiva y surpasa tur problema. E ciere di Lago a pone nos dilanti di un situacion, cu a significa menos bonanza, y e necesidad pa planea futuro. E anuncio di ciere di Lago tabata impactante, pero e no a kita aliento pa mas cu nunca lucha pa futuro.

Sinembargo, loke si ta causa preocupacion real ta e hecho, cu awe e arma di mas poderoso cu nos tabata tin den nos man, no a ser usa. Preocupante ta, cu union no a bira realidad, aunke situacion a pone e posibilidad den nos man y a urgi pa accion conjunto.

Cu Exxon ta bay ta un hecho. Nos mester biba cune y cobardia di nenga un reto, no ta algo propio di comunidad Arubano. E actitud di Pueblo a demostra esaki. E expresionan di esnan cu a muestra cu talvez Lago a cera pa nos traha na un mihor futuro. Expresionan cu a ser marca den hechos: e cantidad di Arubiano cu a haci uso di e awacero cu ta cay na abundancia pa sembra suelo. E determinacion di Pueblo pa sigui dilanti.

Pero si Pueblo di Aruba ta muestra con contesta un reto, e desarooyonan na nivel mas alto no ta muestra den mas direccion.

Enfrentando 1985 e Comision cu ta consisti di representantenan di tur gremio pa yega na un formula pa un plan socio economico y financiero comun, no a alcanza su objetiva, cu tabata pa entrega un documento, un base pa fin di 1984, pa awe nos por a execute. Si bisa mes cu e plan ta na caminda, ya nos a perde dianan valioso, cu ta conta mientras 1985 no ta spera ariba nos pa sigui pasa.

Enfrentando 1985, e union politico cu DIARIO mescos cu mayoria den nos comunidad a aboga, no a ser logra. Preferencia a ser duna na puntonan talvez estrategicamente mihor pa politica, pero no na bienestar general cu ta existi pa tur forza ser uni.

Exxon ta bay. Un decision den cual nos no a ser scucha, y cu a demostra con dependiente nos a bira di un solo grupo. Cu e speranza cu e compania lo tin e cortesia di salda su deuda ariba tur tereno promer cu e despedi, nos ta yama Exxon for di awor ayo. No tin tempo pa yora ariba loke ta a bay perdi. Pero si mester yora si awor, e ejemplo cu Pueblo mes a duna di planta pa mañan, no ser comprendi.

Aunke un union no a ser logra, nos ta spera cu e siman aki Aruba por tin un Gobierno insular completo. Cu esnan cu a acepta e responsabilidad di forma parti di e Comision Aruba, lo cumpli cu e reto cu cual nan a ser presenta. Cu esnan cu no a acepta reto di e situacion, comprende cu cada palabra cu nan papia lo ser midi cu e bara di nan actitud.

1985 ya ta drenta su tercer siman. Pueblo ta spera pa e por traha duro y alcanza su futuro nobo!

EXIGENCIANAN PA FUTURO GOBERNADOR DI ARUBA A SER DISEÑA

ORANJESTAD(AAN)—Segun informenan cu DIARIO a ricibi, e experto den asuntonan gubernamental, Urbano Lopez, a diseña un lista di exigencianan cu cual un persona cu por bira Gobernador di Aruba den futuro mester cumpli.

E exigencianan aki a ser formula pa Comision di Independencia di Aruba.

DIARIO a logra haya un copia di e documento cu ta muestra entre otro cu e sexo, religion y estado civil di e candidato pa Gobernador ta di importancia secundario.

Di e Gobernador sin embargo ta ser spera cu e tin interes y conoce e complexidad di problemanan corela di e comunidad Arubano, y cu e mester por comprende, respetar y caminda ta necesario sostiene e lucha Arubano pa independencia.

Di acuerdo cu e documento ta di importancia cu e Gobernador ta posee un personalidad fuerte, ta para ariba politica, ta goza di respet den comunidad Arubano, tin un conducta intachable, y tin un interes grandi pa e desarooyonan ariba tereno social y cultural.

E Gobernador mester por comprende e comunidad Arubano y pesey ta di importancia pa e ta un Arubiano. Ademas ta deseable pa e ta un perso-

na di edad mediano.

E persona cu por ser nombra como Gobernador mester tin conocimiento di gobierno y tambe mester a ricibi un educacion cu ta permitie conocimiento di asuntonan juridico, financiero y economico. Conocimiento di e problematico financiero di Aruba tambe ta un exigencia.

E Gobernador mester por evalua asuntonan na un forma critico, y alavez mester por analiza asunto na un forma rapido.

Pa por mantene bon relacion cu comunidad, e mester tin e capacidad di comunicacion, y meser ta un figura representativo pa asina e por representa Aruba tambe den exterior y duna importancia na e interes di e comunidad Arubano.

Despues di a logra haya un copia di e documento aki, DIARIO a drenta den contacto cu señor Lopez, kende a splica cierto detayenan.

Pa loke ta trata e descripcion di Arubiano, el a bisa cu e ta parti for di e punto cu un Arubiano ta un persona naci na Aruba o naci for di por lo menos un mayor naci na Aruba cu ademas a pasa su juventud na Aruba.

Señor Lopez a muestra cu e asunto aki por ser poni na discusion y cu un eleccion politico mester ser haci, aunke argumentonan juridico por duna un

aporte importante.

Pa loke ta trata e hecho cu e Gobernador no ta mete cu asuntonan politico, señor Lopez a bisa cu na Hulanda ta normal cu den e diseño di exigencianan pa Comisario di La Reina o Alcalde ta inclui cu e personanan aki mester por ser reconoci den nan preferencia politico.

E exigencia cu e candi-

Ademas ta un hecho cu ningun hende tin un mente "blanco" y cu tur hende ta mira tur cos atravez di su propio bril, segun señor Lopez a splica.

Ariba e pregunta pakico el a diseña un lista di exigencia pa e futuro Gobernador di Aruba, señor Lopez a splica cu el a ser pidi pa haci esaki di parti di Comision di Independencia di Aruba, pero a titre personal.

Finalmente el a remarca cu e lista ta permiti pa Consejo Insular, fraccionnan, cada miembro di comunidad libre pa entrega un proposicion pa un candidato pa Gobernador, o entrega un lista di exigencia di su eleccion na Gobierno di Reino.

dato mester ta Arubiano, mester conoce e comunidad, ta basa ariba e base realistico cu ningun hende tin un mente "blanco" y cu tur hende ta mira tur cos atravez di su propio bril, segun señor Lopez a splica.

PRINS HANCRA Y PANCHO DOBLA LO DIRIGI CARNAVAL

ORANJESTAD(AAN)—Merecidamente Prins Mercaderes y Pancho Dobra, respectivamente John Bornw y Kenneth van Putten a ser eligi ayera anochi como prins y pancho di carnaval 1985.

Nan Runnerup a resulta Prins Bin Bon y Pancho Bon Nos Ta, Korvin Krozendijk y Giovani Arends cu tabata e unico pareha cu realmente por a yega cerca di e ganadornan.

Un total di seis pareha a tuma parti, pero e otro

cuatronan no a logra gana publico cu nan chistenan manera e ganadornan, mientras cu despues cu Prins Hancra y Pancho Dobra a termina nan actuacion tur indicacion tabata cu nan lo ser eligi como prins y pancho.

Remarcable tabata cu net e pareha aki na cuminzamento ora di introduccion no a ricibi mucho aplauso di e publico pero despues tabata tin henter publico na nan favor si.

E parehanan ayera anochi a trece e chistenan dilanti sin smaak, y no por a pone e publico hari manera debe ser. Tabata solamente e dos parehanan cu a gana cu a sa di percura pa bon risa durante henter nan actuacion y especialmente e idioma Arabe di Ahmed al Mohamed Dobra a cay masha bon.

Pabien ta bay na e ganadornan aki di parti di DIARIO.